



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

2 e Simplicius der 49. Bapst.

**urn:nbn:de:hbz:466:1-41449**

## Martius

vnd Martirers Herculani / welcher hernach am 7. tag Wintermonats auch gefest wirdt.

Item das Fest der H. Engel vnnnd Hüter / aller vnd jetwederer Menschen.

e vj. Nonas Martij.

### Der II. Tag im Merzen.

**Z**u Rom / ist heut der Tag der heyligen Martirer Jouini vnnnd Basilei / welche vnder den Tyrannischen Kaysern Galieno vnd Valeriano vmb Christi Namen gelidten / vnd mit dem Schwert getödt seind worden.

Anno Dñi  
260.

Item auch zu Rom / viler heyligen Martirer / deren zahl nit gefunden wirdt / von dem blütgrigen Kayser Alexandro / nach vilen peinen vnnnd plagen enthauptet.

Anno Dñi  
230.

Item noch der heyligen Secundose / Januarie / Pauli vnd Heracli.

Item selige gedächtnuß des heyligen Martirers Caroli / Grafen inn Flandern / der zu Burgis in der Thümbkirchen bey Sanct Donatiano rühet / war ein Sohn des Königs Canuti / auch ein Martirer.

Item viler heyligen Martirer / so auß vierhundert gefangenen seligklich gelidten / vnnnd mit dem Schwert getödt seind worden / dieweil sie nach dem befehl der Gottlosen Longobarder / nit wolten ein Gaiskopff mit Teuffelischer Abgötterey anbetten / wie Sanct Gregorius bezeuget.

Lib. 3. Dialog.

Item



Item zu Rom/ des heyligen Pappsts vnnnd Beichtigers Simplicis/ ein geborner Tiburtiner / von jugent auff einseitig / auffrecht vnnnd Gottsförchtig / hat vil Kirchen gebawen vnnnd geweyhet / auch gute Gesas gemacht: verdammet Acacium den Constantinopolischē / vnd Petrum den Alexandrinischen Bischoff/ von wegen der Eutichianischen Ketzerey.

Item in Engeland des heyligen Cedde Bischoffs des Volcks Merciorum vnnnd Lindisfarorum: war voll Gottsfucht / vnd seiner letzten ding für vnnnd für eingedenck. Von ihm schreibt Beda.

Item der heyligen Lucij des Bischoffs/ Absoloni/ vnd Lorgij.

Item zu Werd am Reinstrom des heyligen Priesters vnnnd Beichtigers Willeici / so ein jünger des heyligen Bischoffs Swiberti ( von welchem am nechsten tag hievor ) gewesen.

Item zu Perusa selige gedächtnuß Egidij/ der ein rechtschaffner jünger S. Francisci war.

Item zu Andegauts / des heyligen Bischoffs Albin/ so gar fleißig war in fasten/ betten vnd wachen/ verließ seine Eltern / begab sich in ein Klösterliches leben/ wurd zu einem Abt / vnd folgendts zu einem Bischoff erwöhlet/ nam sich ernstlich an der armen Waisen/ Gefangenen vnd Krancken Menschen/ ein gar liebreicher vnd tröstlicher Vatter / der betrübten vnd verlassenen. Wirdt darumb billich von G D T vnnnd der Welt geschümet.

Item inn Engeland / des heyligen Priesters vnnnd Beichtigers Guilelmi / von Geburt eines Engelanders/ war in Tugenten vnnnd Heyligkeit fürtrefflich / ein strenger verrichter seines geistlichen Ampts / beywel-



## Martius

Anno Dñi 1100. liches Grab vil Wunderzaichen geschehen / lebete zur zeit Kayser Hainrichs des dritten.

f v. Nonas Martij.  
Der III. Tag im Merzen.

Anno Dñi 260. **Z**u Cesarea in Palestina / ist heut der Tag der heyligen Marterer Marini des Kriegsmanns / vnnnd Asterij des Rathsheren / welche beyde vnder der verfolgung des Kayfers Valeriani / ihr Christenliches Blüt vergossen. Marinus / ein Burger von Jerusalem / von seinen Mitknechten anklagt / daß er ein Christ wäre / hat er dasselbig mit lauter stimm bekant. Als aber Asterius den Leib des enthaupten Marini auff seine Schultern nam / vnd in sein gewand wicklet / hat er eben die ehr / welche er dem Marterer angethan / als bald durch die Marter selbs empfangen. Wie in Historia Ecclesiastica gelesen wirdt.

Item der Geburtstag der H. Hemiterij / vnnnd Ehedonij / welche in der Statt Legion inn Hispania Kriegsleuth waren / vnnnd vmb bekantnuß des Namens Christi mit vilen Martern gepeinigt / auch bißgen Calagurim geführt / vnd daselbst enthaupt worden / von ihnen schreibt Prudentius.

Item inn dem Kloster Blandinio / des heiligen Abts vnd Beichtigers Winwaloci / von welchem hernach am 19. Tag Weinmonats / bey S. Echbini namen weyter.

Item zu Bamberg der heyligen berhümbeeten Jungfrauen vnnnd Kayserin Künegundis / der gebornen Tochter des Pfalzgrafen am Rhein / die mit ihrem Ehe-